

兩浙輶軒續錄

兩浙輶軒續錄卷五十三目

梁德繩 項 蕪 趙 氏 高 祥 項 紆 章

汪增安 王 倩 管 筠 文 靜 玉 戴 珊

沈惠昭 王 德 宜 汪 纘 祖 汪 繡 祖 孫 蓀 意

倪端淑 倪 貞 淑 王 樹 玉 段 馴 應 世 婉

查若筠 許 蘭 汪 蕙 吳 筠 戴 蘭 英

錢慶韶 陳 爾 士 姚 靚 吳 宗 憲 陳 品 闈

吳 慎 陸 瞻 雲 周 潤 金 蘭 貞 孫 袁 琰

許若英 陸 彬 劉 綺 梅 林 枝 芳 李 貞 媛

馬 夔 顧 縈 汪 懋 芳 朱 蘅 趙 棻

楊清材 吳 氏 朱 馨 潤 陸 荷 清 吳 玉 華

王蘊容 沈 雲 裳 胡 石 蘭 王 倩 徐 楚 雲

潘素心 陳桔 陳夢蘭 顧映玉 周幽貞

潘佩芳 王蘭佩 張標 汪菊孫 孫雲鳳

孫雲鶴 孫雲鵬 王玉如 陳孺人 高鳳閣

高鳳樓 湯湘芷 陳彬 查昌鵷 戴瑛

陳慧殊 沈毅 戴小瓊 朱鈺 沈鑫

唐敏 李畹 楊謙珍 沈氏 徐容

徐恆和 徐人雅 施芳 王桂 陳蒞

朱蘭 邱杏 陳珥生 沈彩 吳文卿

王夢鶴 鄭以和 戴錦 徐毅 樂氏

何采 金毓琇 孫漪蕙 俞靜貞 張淑蓮

謝香塘 潘雲仙

兩浙輶軒續錄卷五十三

督學使者潘衍桐訂

梁德繩

字楚生錢塘人工部右侍郎敦書女德清兵部主事許宗彥室著古春軒詩鈔

阮元傳略恭人雖出於簪纓貴族而不驕不侈能以禮法自持許氏族亦盛恭人上奉姑嫜下襄夫子九族之人無閒言初恭人侍其舅方伯公粵東任所重姑蔡太夫人無閒言初恭人侍其舅方伯公粵東任所重姑蔡太夫人無閒言初恭人侍其舅方伯公粵東任所重姑蔡太尤愛憐之既而方伯公告養僦居於杭不十年先後俱棄養經營喪葬半出恭人贊襄之力歲戊寅駕部又不祿所生子延敬延與側室子延潤均未逮成童恭人延名師以教之所與交必通名於恭人察其有器識文人藝者而後命之交吳薇客太史甫入泮恭人卽決其不

矣一等  
蝮蛇行

南有二木枝相樛蝮蛇忽來枝上頭拔劍欲斬行復止血濺恐汚虛亭幽草驚蛇竄遠無迹腥風颯颯迴林邱交柯而葉黯無色冬日慘淡神魂愁嗚呼此蛇之毒至於此我願避蛇

如避仇何當一旦豁陰翳風平樹靜無所憂

憶西湖

憶得春遊畫舫輕鳴頭新水縠紋生裙腰芳草沿隄出人面  
桃花夾岸迎一別五年增悵望三春千里漫含情歸心夜逐  
南飛鵲歷歷吳山眼底明

滕王閣弔王子安

帝子留高閣詞人賦遠遊登臨逢偉饒賓主盡名流曠望南  
州勝遙生北闕愁漫憎雞鬪檄神助馬當舟

焚稿才何有揮毫興轉道羣公咸四韻一序竟千秋客散三  
更月江空百尺樓他年韓吏部猶肯爲低頭

元夜書懷和孫碧梧女史韻

臥聽人語六街稠風緊羅幃早下鉤病久漸能諳藥味興闌

無復憶春遊歲華可奈堂堂去心事從教得得休明月暗塵  
空自好何人何地不閒愁

題甘小蒼明府刻陳秋坪先生遺墨後

昔我策征輶兩涉閩左右

一隨嚴君臬司任一則就養四兒延敬邵武同知官署

耳熟

元龍名欽之若山斗先生負盛譽騷壇尊魯叟揮毫如雲煙  
餘子望驚走才高吏治明蜀中縮墨綬德政樹留棠遺愛碑  
在口秋思起蓴鱸獨酌季鷹酒賦罷歸去來輕裝琴鶴守絳  
帳慶重開弟子記某某甘羅是舊徒唱和師兼友維摩善病  
身問疾十居九餽粟與餽金風義亦孔厚梁木雖已壞遺編  
長在手更爲壽棗梨高情銘古卣天心福善人芝蘭生戶牖  
邑侯善治民不愧明德後澤溥浙東西好官述孺婦兩世重  
師承心香祝永久廣徵絕妙詞索枯顏怩願君寶此編食

報同不朽

項

蘅 字香芷錢塘人黃巖諸生  
張應彪室著盼怡樓稿

小春寄外

客中遊賞興何如曾寄雲箋問起居秋水舫移殘照後孤山  
梅探放花初漫憑紙帳尋甍鹿好疊牙籤學蠹魚一語寄君  
須著意歸裝多帶未看書

趙

氏 錢塘人工部尚書殿最女  
孫葉贊元室著友琴軒詩

春雨感懷

零落春光奈爾何桃花滿徑綠陰多閒中易動蒼茫恨老去  
堪嗟歲月過掩鏡祇因憐瘦影怯寒猶未試輕羅知情最是  
窗前柳也向東風斂翠蛾

高

祥 字織雲錢塘人吉豹女  
洪炳室著晴雪樓稿

王振綱撰行略孺人性耽幽靜日居小樓顏曰晴雪昭  
其潔也詩秀句天成不假雕飾郭君類伽爲呈阮芸臺  
中丞采入瀛州筆談以盛夏姑病奉湯藥晨夜焦  
勞姑沒極哀得咯血症逾月而卒年三十有六  
吳錫麒序略織雲詩意境深邃詞致婉約如春花朝  
風神韶秀如晴雪自舒態度安雅因標舉數聯以俟采  
掖五言如春陰云花氣渾如暝煙光不可收春曉云露  
珠黏徑草花霧潤羅衣老將云雄心悲塞月碧血鏽刀  
鏤秋夜聞蟲聲云壁月涼初上空山響欲沈七言如清  
羽湖上云誰家花柳依村曲隔岸雲山抱水流白蜨云  
幾朵曉雲迷處所一痕斜月夢惺忪茉莉云涼生方枕  
知秋到清隔重簾有夢通皆能結撰空靈掃除繁縟  
揚振鐫日織雲弱歲喜爲詩與其兄慎彝  
茂才擊篋分韻吟哦之聲每至夜分不輟

春雨

溼雲如幕雨如絲愁絕西窗翦燭時遠岫綠應添翠黛小桃  
紅欲暈臙脂藥闌香冷鶯聲滯花鳴春深蜨夢遲待得園林  
開霽景好傾佳釀細論詩

山房夜坐聽泉



微雨夜來霽涼風滿空谷明月上松林流泉下巖麓羣籟已  
屏息真意契幽獨但聞太古音泠泠漱寒玉餘韻寄焦桐冰  
絃暗相續沈沈萬木陰靄靄孤雲宿銀漢盪羅幃冷露泣芳  
菊聲既與耳謀境亦洗心目好攜冰雪文來向深山讀

春日山居

幽居在深谷鎮日掩柴扉徑僻無過客庭空有落暉閒雲來  
渺渺弱柳正依依爲愛林泉趣團茅近翠微

春陰

輕雲蔽樓閣風景畫春愁花氣渾如暝煙光不可收草濃風  
力軟林靜鳥聲幽一望蒼茫色苔痕上玉鉤

秋海棠

紅絲婉媚畫秋芳又染脂痕到海棠幾處繁華歸曉夢一庭

風露倚新妝無多舊恨拋春思別有閒愁泣夜涼儂是天涯  
斷腸客含情重問碧雞坊

送春

留春無計奈春何九十芳華歎逝波閒向玉闌干外立杜鵑  
嗁處落花多

項紆章

號祖香錢塘人  
諸生陳汝曾室

夏夜

靜于圖畫冷于秋近水房櫳小似舟詩裏琴尊新打點夢中  
巖壑舊句留暗風有影因吹燭殘月無聲獨上樓一榻嫩涼  
清徹骨金猊香繞曲屏幽

題屏山姊氏畫秋柳

昨夜風傳殘笛今朝愁滿荒村疎雨曉煙寒月可憐一樣銷

魂

湖上春游

一曲新詞碧玉簫閒情都向此中銷畫船卻載春歸去細雨

斜風第四橋

汪增安

字吉衣錢塘人河南內鄉知縣應培女著停雲小草

水仙花

纔下瑤臺事已非笑他燕瘦與環肥玉簪雙攏春風影不向

人閒怨綠衣

王

倩

字婉紅晚號秋士錢塘人葉怨室著小鄧還吟稿

鍾駿聲曰秋士七齡時有雙粉黏紈扇蜂鬚浴硯池句  
後從陳元山嵇受詩從單華藏昭受禪學殊明雪淨有  
林下風所天既隕夜於靈帷前假寐達旦終喪皆然有  
遺鳳仙花者以其色朱泣而揮之越夕變爲淺藍蓋苦  
節所感也撫孤子五備歷艱辛又  
殫力瘁其舅姑與夫卒年六十六

秋江晚眺

幾叢煙樹野人家遙望秋江落暮霞欲買扁舟擢江渚芙蓉  
采徧采蘋花

管

筠字湘玉又字靜初錢塘人安徽繁昌知

緝雅堂詩話宜人幼聰慧德性純良碧城爲作傳略三  
篇幾萬言并集三十年中爲宜人所作古今體詩成玉  
天仙梵至託於吐語謂是瓊宮玉女世緣未盡降生人  
間未免不經然傳中所載奇外書數首規其繁昌官署  
有用人之失戒其數上防海事宜爲出位之思非尋常  
閨閣所能言者固不當僅以才女目之著文集一卷

小鷗波館象華蠶飼以百花繭破化蝶飛去賦詩紀之

折花和露貯荆籃數到眠三起亦三不望絡絲學天女雙蛾

珍重赧華蠶

夢繞巫山十二峯朝雲如畫楚臺封何如但作雙飛蝶花海

春深處處逢

寫碧城摘句圖竟題詩六首 錄四

奇句如飛仙長嘯弄雲碧  
天門掃落花春山橫一尺月華飄  
羽衣鶴背夜吹簫

警句如俠客使筆如使劍  
星斗寂無聲青天碧雲斂夜中紅  
綾來冰雪芙蓉豔

俊句如名士鶴立山雞羣  
六朝舊明月清談生古春吐咳弄  
珠玉齒頰含風雲

麗句如佳人天然出名靚  
發豔梨渦嬌吹芳蘭氣靜玉鏡一  
泓春照見桃花影

聞頤道夫子議行海運寄詩規之

空勞辛苦說飛芻幾使楸枰一局輸  
自昔人材混蕭艾未容  
高議出菰蘆無多斟酌花前酒隨分  
杯盤竹裏廚月桂風荷

好煙景不如閒寫晚涼圖

文靜玉

字湘霞江蘇吳縣人錢塘陳文述妾著小停雲館詩鈔

雨窗玩帖各題一絕

春星江上月如弦野岸叢祠夜有煙惟有孝娥名不死一碑

傳寫二千年

孝女曹娥碑

春松秋菊總含芳靜志和顏重禮防閭道洛神真絕世明珠

翠羽十三行

玉版十三行

一函玉枕字如星鐫出銀鉤見典型太息半閒堂上事祇將

葛嶺換蘭亭

玉枕蘭亭

六甲靈飛重玉臺簪花妙格見仙才書家莫誤清容說好認

唐家貴主來

靈飛經玉眞公主所書以爲鍾紹宗者袁清容之謬說也董香光宗之

仿楊妹子畫梅宮扇卽用元韻題之

娥眉纖指勝鷗波濃染燕支淺暈螺靨得南朝圓月影倚香

小影壓春羅

妹子居宮中倚香閣畫有倚香閣印

吳宮雙玉祠墓詩

并序

頤道主人爲勝玉紫玉營墓於虎邱後山並爲立碑

建祠繪圖命題

夷光豔麗修明靚館娃紅並雙花影深宮嬌女最嬋娟春魂  
幻作秋煙冷蛾眉前代小姑愁白鶴黃泉舞未休香豕春泥  
何處是更無花草識松楸才人會得佳人意到處流連埋玉  
地彷彿千金駿骨求瓊碑一一鴛鴦字鶴欄西頭草又芳女  
墳湖水尙生香行人莫話蘇臺柳雙玉祠堂有夕陽

題願眉生畫小青像

倩女離魂定有無孤山梅鶴伴清臞丰神意態俱精絕可似

當年第二圖

冷雨幽窗大可哀春波照影亦徘徊眉樓肯寫嬋娟影倘比

薜蘿解愛才

牧翁謬謂無其人得非河東君忌才所致耶

戴

珊字衣仙號虹橋女史錢塘人懋女湖南湘潭梁傳系室著廡下吟

春燕

海天縹渺海山微尙帶晴絲宛轉歸紅雨園林新節序碧雲  
庭院舊簾幃幾家巢壘香猶在六代繁華夢已非賴爾頻年  
破愁寂雙雙仍傍畫梁飛

將歸湘中留別諸弟

遠色孤鴻沒離亭夕照殘歸舟江畔繫別淚坐中彈雲樹圍  
空碧煙波湧暮寒不知東閣月今夜幾人看

沈惠昭

字季蘭錢塘人嘉猷女著冷紅軒吟草



呈王醉齋先生

平生爛漫自天真始信吾師迥出塵滿紙煙雲飛醉墨一家兄弟盡詩人濡頭慣飲中山酒隻手平扶大雅輪鈔得瓊篇

三百首買絲日日繡王珉

王德宜

字韞輝號雲芝江蘇金山人兵部員外郎仁  
和汪農室著絲筠吟稿一卷語鳳巢集四卷  
杭郡詩續輯農爲方芷齋夫人之子雲芝伉儷和諧家  
庭授受佳句如舟行明鏡裏鳥掠翠屏前漁艇煙中聚  
斜陽竹外明皆  
可嗣響芷齋

將之黔留別嗣徽畹姝兩女姑

一鳥乘風起皇皇將安之雙鳥棲林中噉噉鳴聲悲離別亦何常去住兩依依君親天之涯我親江之湄明月各回顧同心戀春暉彼山猶有崖此水猶有枝爾我懷所思憂來獨無時

花滿羣鶯飛江南三月暮折柳江之皋水碧傷南浦前歡未  
云畢後感已尋緒譬如東軒月團圓歲幾許依依照影寒戀  
戀清輝苦披襟坐中宵攜手不能語晨發渺天涯一聲煙際  
舫

汪纘祖

字嗣徽仁和人湖北巡撫新女候  
選通判湯燧室著蕉雨軒吟稿

吳振棫曰芷齋方夫人以詩著稱東南嗣徽深于濡染  
組紉餘畧與其妹碗妹靜妹覓句爲歡有女彩梧亦嫺  
聲韻許溟生同年  
嘉耦也惜已早卒

秋風

涼思來無迹商飆一夕生和更欺客夢著樹作秋聲搖落山  
容瘦飄蕭畫角清幾番聽不寐星月淡高城

病起卽事

東風吹柳漾煙絲節近清明苦雨時抱病兼旬才思減海棠

開落不題詩

汪繡祖

字靜妹  
續祖妹

吳振棻曰靜妹生有夙慧十歲已讀七經  
勤信公絕愛憐之十三歲遽以疾亡惜哉

對鏡

不愛鉛華染梅花認舊身一箇秋水冷寫出阿儂真

孫蓀意

字秀芬號若玉仁和人候選訓導震元女蕭山高  
第繼室舉人丙曠湖南鹽道枚母著胎硯齋詩稿

吳振棻曰若玉幼而失母其父授以詩法年未及笄即  
有詩若干卷迨歸于高夫亦名士也閩房酬唱彼此各  
稱畏友若玉兼擅倚聲有衍波詞二卷駢體尺牘並皆  
佳妙性愛貓嘗集古今事實著銜蟬小錄實閩閩中之  
未易才也

同雲壑柳湖兩兄遊湖至雲林登韜光庵還憩六一泉

柳煙凝未開湖影動朝旭蕩漾瓜皮舟柔艣劃春綠言偕瀟

灑人攜尊騁游矚迷離宿霧收西子妝初沐春山向我笑蒼

翠紛可掬卷簾倚蓬窗花光紅眩目滿湖蕭管聲游舫共徵  
逐喚起楊鐵崖一唱花游曲

清游厭煩囂放櫂詣靈隱鐘韻聞星星到岸喜俄頃舍舟坐  
輕輿軋軋入幽境白雲知我來出岫如相引到眼豁峻嶒一  
笑指鷲嶺古洞穿崕呀山氣逼淩緊白日閉陰寒不漏纖陽  
影倒垂萬青蓮勢欲壓人頂捫崖躑躅行一步一清警憑闌  
俯漣漪新綠浮藻荇山風忽颯然吹縐半池冷凜乎不可留  
欲去還引領

鷲嶺景已佳韜光境尤邃夙昔慕來游經年未一至趁茲游  
興豪入寺復尋寺曲磴穿深篁冷泠響流水啁啾山鳥嘯便  
娟野花媚遙卽山頭廬頓入仙佛地老衲焚梅檀跏趺參不  
二衍漾金蓮池魚樂忘鉤餌小閣眺江湖洪濛轉一氣不覺

心地清殊有邱壑思鐘響忽飛來鏗然甕山翠

回舟漾微風一徑出深窅乃有孤山寺停橈快徙倚聞昔竺  
惠勤禪室此曾寄睠彼六一翁遐情迥相契高僧與詞客芳  
躅誰可繼我來酌寒泉千秋緬遺事蒼然水樹昏暝色渡湖  
至白雲還空山余亦有歸意沿流采白蘋凌波渺含思

畫眉曲

窗櫺漏日紅一綫鸚鵡相呼已千遍美人扶起意猶慵羞對  
菱花怯勻面徘徊染黛暈修蛾枕痕印頰紅雙渦柳絲一把  
曲闌外鏡中相較春如何十眉圖子今誰授寫得遙山一痕  
秀莫向階前數落紅怕被束風又吹皺

夕陽

閃閃翻鴉背遙天一綫留鐘聲孤寺暝帆影半江秋水杳

然去亂山相向愁雖憐無限好行客莫夷猶

題丁野人山居

垂老心情愛息機  
萬峰深處結柴扉  
雨拖翠靄當軒落  
風卷流泉入戶飛  
峭壁日高猿每挂  
蒼松雲冷鶴知歸  
詩書列架生涯足  
餘興還尋舊釣磯

壯烈伯李忠毅公輓詩

樓船轉戰陣雲深  
薄海風寒冷劒鐔  
絕島其驚飛將到  
前軍忽報大星沈  
鯨鯢未盡留餘憾  
矢石親當鑿此心  
欲賦招魂招不得  
濤聲哀作武溪吟

仙巖洞遇雨歸

洞在梅湖  
浮峯寺

日輪忽倒行驚雷  
殷山底雲從洞裏生  
頃刻迷尺咫  
心愁萬青松一一化  
龍起坐令攪此峰  
飛入蒼冥裏  
火急催登舟  
蓬

背雨聲駛回頭不見山橫胡但雲水

嚴烈女詩

并序

烈女憐春姓嚴氏系出望族家貧鬻於何氏爲青衣  
豔而慧何嬭居無子倚爲形影有檀生者負文名於  
何爲至親聞女賢求聘許之期以中秋爲團圓之名  
適女父來強贖以歸轉貨爲富家某氏妾女初弗知  
也及抵其家見門宇不類寒素知被給乞歸弗許大  
婦又妒兩悍相與磨折之不從終自縊嗚呼足以風  
世矣一時文人學士誄以詩詞余亦賦焉

嚴家有女顏如玉生小青衣侍妝閣明慧偏逢主母憐嬌養  
深闈伴幽獨巧遇檀生正少年恩承阿母結良緣那知三五  
團欒夜恰是徐郎破鏡年阿父貪財轉相勸私心欲奪嬌兒

願妾志能同冰雪清不待郎吟綠珠怨明珠鬻向豪家去盈  
盈弱質歸無路良宵偏遇惡嫺緣黃金買得紅顏怒淚落羅  
襟萬種情紅綃且復了殘生可憐絕代嬋娟子氣盡河東獅  
吼聲花殘玉碎尋常事屈節誠難死誠易義士雖無古押衙  
貞魂肯逐沙吒利豔質全憑烈性完聞之我亦淚潺湲從今  
腸斷芝蘭詠忍見中秋皓月圓

孝烈將軍歌

挾弓刀跨鞍馬宛宛去邊城妾是從征者昨夜可汗來徵兵  
戶有三丁抽一丁阿耶年衰小弟弱妾替爺征死亦樂戎裝  
結束慷慨行萬里馳驅入沙漠黃河東去黑水西愁雲慘慘  
陰山低故鄉一片深閨月夜夜沙場照鐵衣狡兔雌雄那可  
辨火伴同行空習見不畫蛾眉十二年歸來依舊芙蓉面吁



嗟乎英雄何必皆男兒  
鬚眉紛紛徒爾爲君不見孝烈能兼  
古莫比乃在區區一女子

冷泉亭

孤亭接翠微  
徙倚澹忘歸  
觸石水如怒  
破空山欲飛  
僧聞鐘  
梵寂日薄樹陰肥  
不覺輕雲過清寒入袷衣

倪端淑

字幼端仁和人諸生一  
擊長女石門吳某室

杭郡詩續輯幼端性  
孝以懷母成疾夭歿

寒食語溪道中

輕橈容與出沙灣  
人在溪山罨畫閒  
回首皋亭斜照外  
餘霞染得綠陰斑

一篙漁蕩浪泠泠  
斷續鶻簫遞晚汀  
百五春光看又老  
原田芳草恨長生

倪貞淑

字幼貞仁和人  
學女范某室

敬書家大人新輯煙草小志後

老人緝柳與編蒲日注蟲魚興不孤欲補神農經未載擘箋  
先志淡巴菰

縷縷春絲細細乾荷筒漫試破騎寒平生不學餐霞術亦把  
奇書盡日看

王樹玉

字謝庭號蕊珠  
仁和人金檀室

題畫

霧閣雲窗做夕陽玉沙風捲羽衣翔翩翩翠袖理瑤瑟無數  
落花浮澗香

藤杖穿雲叩竹扃山禽驚客下棋枰松陰如水綠無暑僧磬  
隔林時一鳴

段

馴

字淑齋江蘇金壇人貴州玉屏知縣玉裁女江蘇蘇松太道仁和龔麗正室著綠華吟榭詩草

緝雅堂詩話淑齋爲定盦母夫人有女自璋字瑟君綠華吟榭詩草其所手寫娟秀可喜一門風雅致足慕也

佩珊約登紅雨樓不果

昨日素書來桃花滿晴陌今日素書來桃花可如昔江東春樹多海上暮雲碧知己永難忘歡情長自愜緬彼紅雨樓幽人來憩息愧乏討春緣韶光付空擲胡能羽翼飛臨風想顏色

九日登高

西風木葉暮蕭蕭黯淡秋容極目遙飛鳥帶煙歸蓼岸寒蟬咽露下林梢他鄉風景隨時換客裏吟懷已漸凋最是中年哀樂感每逢佳節意難消

晚行

幾點雁橫秋  
新寒倦客游  
碧峯雲外隱  
纖月水中流  
衰草連荒道  
殘碑臥古邱  
停車凝望處  
楓葉繞層樓

絕句二首

輕寒惻惻掩重門  
金鴨香殘火尚溫  
燕子不來春過半  
一簾疎雨對黃昏

夜色新晴月上窗  
錦屏遮暖乍生香  
不知庭院春多少  
自起籠燈照海棠

應世婉

字淑君號蓉江仁和人  
吳玉屏室著漱玉亭稿

暮春

曉來小雨浥芳塵  
綠樹陰濃碧草勻  
正是江南三月暮  
落花飛絮倍愁人

湖上餞秋

無奈秋光又欲歸水邊林下每依依紅涵湖影秋蓉老黃滿  
山頭落葉飛涼吹尙驚新雁陣殘煙猶繞舊漁磯詩人不盡  
徘徊意把酒旗亭詠夕暉

查若筠

字綺庵海甯人刑部郎中世倭女兵部員外郎汪如瀾室著曼陀雨館詩存

埽先君子墓歸舟有感

殘陽古岸片帆斜對此茫茫感物華時勢已如東逝水人情  
何異浪中沙百年幻夢浮波葉一種愁懷繞樹鴉回首青楓  
餘落照墓門掩淚又天涯

許

蘭

字晚香海甯人大理寺評事培女候選訓導德清戚芸生室

許莊祥日吾宗晚香女史工詩又善書學歐陽率更用  
筆如銀鉤鐵畫家藏女史所書聚頭扇余童時曾見之  
精妙無匹聞先輩云女史嘗錄陸  
冰修辛齋全集始終一筆不苟

溪頭晚望

紅霞初散夕陽沈人在溪頭鴉在林隔岸黃雲秋報熟夾湖  
綠樹夏成陰漁家處處炊薪火芻屋村村動杵音獨羨沙鷗  
閒靜極隨潮泛渚總無心

久雨悶甚因成一律

小樓聽雨最傷神一夜蕭蕭愁殺人流水多情何太急落花  
無語自傷春沙鷗浴處沼新漲江燕來時泥未勻寄語東流  
須著力快將新翦翦魚鱗

汪

蕙字蘭英號雪窗女史海甯人諸  
生許良謨室著斗室吟草二卷

花谿志蘭英幼嫻文藝于歸後所作尤多以詩  
非婦人所宜恆祕藏之年二十六以療疾卒

寄外

春陰不成雨釀作朝來寒藹藹綠樹枝壓住紅闌干鶯簧弄  
猶澀蜨粉酥未乾攏髻懷遠人定怯衣裳單有酒且斟酌有

琴且揮彈努力惜韶景莫但愁春殘

吳

筠

字湘萍號碗芬嘉興人上虞訓導

李貽德傳略婦幼聰悟六歲侍大母側聽諷內典忽日是固兒宿所習者翁異之授以孝經論語諸書即琅然成誦十歲後彈力於詩由漢魏至近時名集靡不采覽先母以吟詠非閨人所宜稍課以女工遂絕口不敢言婉篤勤懇曲承慈志凡燂湯藥調羹瀉下逮洗滌振裾不以假婢嫗母亦以非新婦任之不憚也

題齋壁

雲氣微茫裏相忘日已晡庭深人語杳廊遠雨聲麤對鏡忽驚瘦吟詩不覺孤秋容餘老圃芳草近來枯

題文丞相傳後

天人策自冠羣言內志先窺一寸丹隻手獨扶宋社稷三年終著漢衣冠血飛柴市燕雲重魂戀江湖夜月寒寂寞半閒堂外路春花秋草共誰看

月夜寄杏村時讀書半齋

長天洗碧雲淡月籠翠竹何處倚樓人笛弄吳宮曲永夕正  
三更春叢鳥羣宿遙想蓬萊仙攤書猶夜讀夜色淡襟懷熒  
然一鎧綠

子夜四時歌

春上紅桃枝垂楊織作絲翠樓獨愴望永懷去年時捲幙酌  
春碧曾唱花閒詞

薰風一夜散菡萏馥橫塘小溪月初上煙艇趁新涼歌聲人  
不見驚起雙鴛鴦

砧杵起遙夜秋色滿青幃玉關人未返思罷長獻歛長城飛  
早雪壯士猶單衣

重院閉紅簾深閨淚如雨去年渺春波折柳送南浦今日雪



霏霏何處君歸路

戴蘭英

字瑤珍嘉興人錢塘袁恩母著瑤珍吟草

春日雜興

苔痕一望綠初交  
新茁蘭芽課婢澆  
得句怕忘隨手錄  
消閒無計借書鈔  
海棠帶雨含紅淚  
乳燕尋泥補舊巢  
細響忽驚春夢醒  
隔窗鐵馬聽輕敲

春日偶成

雕梁紫燕語呢喃  
簾外成茵草不芟  
記得去年春較早  
海棠風裏試輕衫

錢慶韶

字文琴嘉興人工科給事中儀吉姊

詠唐元宗

開元全盛如貞觀  
鞀鼓何緣發賊機  
豈有秉鈞賢相在  
翻然

入蜀輦塵飛中興差幸誅褒姒內亂曾經見武韋十漸疏成  
垂永鑿腹刀口蜜奈綸扉

陳爾士

字煒卿餘杭人刑部員外郎紹翔女工詩

府志氏幼習經史工吟詠儀吉室著聽松樓遺稿  
氏獨居邸第肅正家政有子保惠讀不中程夜不得息  
體素羸積疾成疾歿前一時猶  
令幼子讀易牀下論說如平時  
吳振絳曰煒卿博學通經義著有歷代后妃  
表清異三錄治家有則戒黨戚稱其禮法

輯歷代后妃表成詩以紀之

王政蘭閨

范首宗后妃贊班政蘭閨  
注蘭林殿名故言蘭閨

嬪風竹素貽二千年

往復三五月盈虧歷歷匪賢佞悠悠迭盛衰帝皇權或假紀  
傳體分歧虹霓荒難問蘋繁鑒在茲後宮明德冠內則長孫  
垂孝養崇長樂訐謨下寶慈當熊樹奇節觀象式清規秋扇  
班姬感春華左妹摘是家名不朽幾輩寵忘危傍輦多愍態

傾城翹豔姿流珠教記曲娥綠慣顰眉縹緲芭蕉影蒼涼琥珀思鍼神工刺繡機絕妙牽絲閱武堂楊柳涪州驛荔支簪留龍蕊貴袖拂鳳翼宜續命琵琶奏迴波栲栳詞批章黃案側稱制白紗帷北第捐絃誦東朝侈宴娛杜根空靜直董養任嗟咨銀鹿疇能設倉鷓詎可醫鏡中稀悟主方底忍埋兒色授應階厲才升亦受疵由來通險謁終見覆邦基進退誠紛若遭逢信有之焚椒冤太甚擣附獄誰治莫慰含飴慕徒懷削脯悲宣仁滋謗牘顯肅悞歸期破碎瑤光錦凋殘玉樹枝輿停過廟日刃脅度河時紅葉飛無定瓊花落已遲偷生甘事虜練行乞爲尼喪亂同漂梗徵祥恰驗著鑄金胡弗就服赭類前知射卜門屏雀妖占產帳鴟徽音猶示異靈澤孰修祠威晚仍恩遇侯封各指撝園林幕禁圍鼓角向邊陲沙

龍潛成莽天元竟啟隋嬰蚡爭絕奕珧濟等誅夷隆替如碁  
置愚蒙效管窺景濂編未備遷史法堪師校寫晨披翰參詳  
夜熱脂張楊從辨族宏本總傳疑諛頌刪劉毅簧言著郝隨  
蹟尋梁采女貞闡蜀昭儀詳見本表宋學縑紺隘旁行粉墨施武  
韋眞倚伏邢尹漫妍媸斷代興於漢何人化自岐寸心衡得  
失還詠二南詩

見紙鳶

空際何來一紙鳶賺他兒女笑喧闐須知暫假吹噓力莫認  
扶搖直上天

湛華老人畫水仙

伊人不見渺湘波一夕寒窗夢澗阿琴語漫隨流水去仙情  
只覺在山多招來春氣生冰雪抱得冬心謝綺羅等是南樓

貽畫學萬蒼翁怯較如何

擬古

亭亭山上松歲寒松豈知磷磷澗中石水流石不移木石葆  
其性人心胡難持轉蓬棄本根隨風向天涯素絲何皎皎三  
年遂成緇朝爲春葩敷夕作秋草萎君看霜與露天地終無  
私

夜坐懷故山

止戈

鄉名在餘杭縣北

吾舊隱地僻少人行高閣對山起春雲如草

生庭昏煙影直石盡澗聲平此夜一輪滿相思空復情

姚

靚嘉興人錢儀吉妾

清明追感十女之殤三絕句

玉碎珠沈長恨情傷心此日已清明一杯酌汝魂何處沙地

荒涼草不生

苦藥終朝當兩餐不知身病憶常歡  
新妝如玉新年戲腸斷

新衣入小棺

右手堪憐不任持柔情緩性耐尋思  
人來問病常言好捧袖

時還肅拜醫

吳宗憲

秀水人嚴州教授王澄室著清閣集遺稿

家傳略氏幼孤終鮮兄弟能讀父書獨與母居克盡孝養及歸櫛室惠助脫替思流奉帚所著遺稿斐惻纏解益孝弟之思仁義之性時流露於行聞夫豈頌椒咏絮者所可同日語哉

憶家母杭州

閒坐窗前誦蓼莪有懷孀母近如何  
廿年冰雪歡常少百里

音書淚更多獨伴先靈傷淺土

祖母俞安人時尙未安葬

誰知舊業付流

波春來每作歸甯夢猶似牽衣膝下過

陳品閨

字筠齋海鹽人河東運同

海昌備志品閨丁詩早卒其母朱

遠慈雲閣詩集後附刊三十二首

胡金題曰筠齋秉姿明秀慧業過人嘗讀二十一  
史凡三過多能記憶作詩操筆立就不假思索

秋夜懷姊

微霜凋草木砧杵動高城  
遠樹煙中澹秋山雨後明  
雁歸人未返月曉夢空驚  
蟋蟀吟何苦難爲離別情

秋夜

風高蟲語哀露重羅衣冷  
夜久下湘簾清輝亂花影

懷顧氏姊嶺南

與君南浦別心繫離亭樹  
渺渺水浮天孤帆向何處

游硯園

綠陰滿地晝清幽竹樹森森映碧流  
細雨樓臺簾半捲坐聽

新燕話春愁

小嶺橫峯不可攀，板橋一曲水潺潺。  
閒花野草無人迹，管領東風兩白鵬。

雨後望中條山

樹杪含殘雨，餘波瀉遠汀。  
煙籠松徑白，雲卷暮天青。  
野鶴翔沙嶼，層巒列翠屏。  
長風來萬里，幽絕倚危亭。

偶成

鷓鴣聲裏雨瀟瀟，一縷茶煙繞戶飄。  
高枕欲尋胡蝶夢，隔牆吹過賣餠簫。

吳

慎

字厚安，海鹽人。有榆女直隸灤州知州。海簫查孫室著琴牋軒詩稿。

春晚

東風吹雨過芳洲，送盡殘紅懶倚樓。  
欲問簾前新燕子，借他



雙翦破春愁

陸瞻雲

字蔚磯海鹽人舉人沈麟振室著適吾廬詩存

石湖山房詩話蔚老人自幼讀書邃於易理有周易註指象徵事自成一家言尤工於詩吟稿甚富適同里沈孝廉玉園日以詩文相倡和白頭偕老抱伯道之傷取中年所著諸集悉拉雜燒之年八十一卒其嗣子逢源私錄什一遂刻以傳焉

晚興

擾擾羣動息我亦掩荆扉片月漸東上清風時透衣冥心甘絕迹與世願相違候蛩咽幽砌疎螢高下飛日出紛營營日入聊息機

周

潤字漱芸海鹽人朱美鏐室

家傳略孺人少承母訓爲同邑陳廣文敬勝女弟子毛詩內則皆卒業焉于歸後事姑課子各盡其道

家書後率成一律寄夫子

憶卷蘆簾話別時，典釵料理作行資。憐君襪被青衫瘦，愧我  
晨昏素手持。無米敢云新婦巧，潔羞難得邁姑慈。題書爲報  
篝鐙畔，有子能傳禮與詩。

金蘭貞

字紉芳，嘉善人。青田教諭韻鈴女。平湖舉人王丙豐室。著繡佛樓詩草。

許淮祥曰：紉芳，女史幼隨父括蒼，任工詩，善畫，秀骨天成。年二十三歸王家貧，蚤寡，衰姑年七十，女史以鍼滯佐甘旨，又值寇難，流離困苦，侍奉維謹，撫孤成立，入邑庠。

杏花

上林移得一枝來，阿弟當年手自栽。

杏花二株，其一卽秋浦弟所植。三載相

離定，相憶江南春雨夢花開。

秋日懷姊

曉起臨妝傍鏡臺，傷心雁序逐分開。怪他小婢無知識，報到  
賓鴻一陣來。

孫袁琬

字婉卿  
嘉善人

薇雲室題辭

瘦影珊珊骨欲仙  
芝芙好夢話當年  
秦嘉老去才華盡  
留得

淒涼贈婦篇

寒瘦頻年笑鳥郊  
綠窗人靜費推敲  
從今寫付麻沙本  
省得

詞人擘紙鈔

舉案深慙德耀賢  
蘆簾紙閣鎮相憐  
紅顏絕世原非福  
一讀

遺編一愴然

許若英

字穆波號瘦梅  
嘉善人施某室

楓溪詩贖女史早寡依母家工吟詠有春閨句云隔院  
流鶯驚午夢歸簾燕子話春愁送別云桃花浪暖鷓鴣尋

借荇葉風微鳴引  
離皆一時傳誦

春日有感

褻腰芳草綠初齊落盡棠梨水拍隄一自離亭分手後綠窗

愁聽子規嗁

陸

彬

字委英號連舫平湖人諸生延璋女

胡金勝曰女士嫺文翰工鍼績在室以孝謹聞迨歸徐  
秀才輒聞閨之內如師友焉未幾疾歿諡錄甚夥歿之  
前夕手檢付火曰幼時娛親偶爲之耳非婦  
職也今所存詩得之廢字篋中不及焚者

詠懷五首

春蠶吐散絲積絲乃成匹游蜂聚百花釀花斯成蜜凡事貴  
終始不可中道絕爲學在窮理守身在立節庶幾全其天卓  
哉比前哲

橘生江之南踰淮變其質蓬生麻之中不扶亦自直萬類自  
爲權造化本無術皎皎湘江冰皚皚峩峩媚雪君子慎立身相  
將比高潔

秋風砭肌骨秋聲摧羣芳銀河案戶牖耿耿垂清光翦鐙覽  
往事懷古意蒼涼就屠空見首懸乾還引吭時運苟迤邐賢  
智徒慨慷

好風從東來桃李穠華開涼風起天末木葉委蒼苔人生感  
榮悴百年良可哀盛年如流水去去不復回中夜披衣起一  
步三徘徊

猛虎下平陸神龍上崇岡出處一失所何以見厥長世無知  
幾人此理遂不彰我愛曹大家健筆挾風霜縱橫論史事人  
物定雌黃對月酌清酒願奉一瓣香

行路難爲外作

君不見寶劍埋豐城紫氣直射牛斗明又不見騏驎伏槽枥  
雙蹏騰蹕追霹靂西風獵獵動征塵撲面雪花愁殺人午夜

聞雜獨起舞十年一覺窮途苦鍾期未遇少知音落落伯牙

空鼓琴

劉綺梅

號香雪平湖人士高女廩生林窮捧室著靜妙齋詩存

白燕

未許緇泥浣素襟營巢雅愛玉堂深呢喃漫逐東風去飛入

梨花不可尋

林枝芳

字蘭九號蕉軒平湖人諸生陸癩室旌表節孝著生翠集蕉軒別集

石澗山房詩話蕉軒幼失恃與姊同稟嚴訓事父以孝聞年二十適陸茂才金城其姊先於是歲歸其夫兄垣至是復爲妯娌越四載夫亡遺孤天錫僅周時教養成

旌祀

節孝祠時稱閩中二陸

秋況

金井梧桐日漸凋芳年一箭惜迢遙呼童掃徑收松子倩婢

擔泥護藥苗半畝荒蔬飛病蝶一林落葉逐鳴蜩紅窗鎮日  
無人迹風動牆頭捲綠蕉

追悼詩

苦雨淒風夜漸闌擁書未覺漏聲殘  
榻來不待炊新茗爛嚼  
梅花沁肺寒

李貞媛

字淑雲平湖人侯選知縣陸培室著凝香閣集

夕陽

綠樹青山一抹濃殘霞低照水流紅  
歸帆片片晚潮急牛背橫吹短笛風

有感

蒼茫風雪滿江干不信春回尙峭寒  
絕憶東湖兩游子暫題尺素報平安

馬

菱

字印香石門人廩生某  
文善藏祕書閣詩鈔

美人風箏

步虛仙子去悠悠體自輕盈態自柔  
漫繫媚綠紅綫手祇愁  
墮落綠珠樓半空雲擁來天女一紙風牽怨石尤  
暮色漸低  
聞佩響錯疑湘瑟度高秋

顧

繫

字季繫桐  
鄉人漢女

桐溪詩述季繫許字張九彰未婚九彰死  
遂投縵今翠波橋東貞烈坊爲女立也

絕命詩

一年春色一年更幾度愁懷幾度生  
憔悴綺窗人事改寂寥  
深院竹聲清爐煙散後香魂斷月魄沈餘玉色輕  
付與知音  
緣已遠莫教憶我倍傷情

汪懋芳

字蘭疏烏程人議敘主事尚仁女  
諸生董慶槐室著壽花軒詩集

兩浙輶軒續錄

卷五十三

馬菱顧繫汪懋芳

三



湖州詩錄三編懋芳爲臺山尚書母尚書少孤賴母教以成壽花軒所存詩不多鬻釵行結句云鴉呼寒閣一釵視如寶一旦棄之殊草草但得子孫清白守家風河惜一釵不能保又晚年自述云喜長孫枝百事寬牽衣問字足承歡浮生肯向愁中老貧賤榮華一例看實爲有德之言不媿賢母矣

喜陸氏三妹來

喜極翻無語衰年子細看殊方悲獨雁一樣泣孤鸞此會誠非易重逢或恐難臨行頻握手那禁涕洟瀾

四月將盡風雨猶寒率賦

盡日無人到清閒覺晝長雨餘桐葉潤風過楝花香蠶婦初收繭田夫未插秧兒童貪放學屈指盼端陽

鬻釵行

黃金琢成雙鳳頭良工當日精彫鏤妝臺伴我四十載明珠翠羽應相侔朝來無米豈得已拔釵拌向豪家投豪家釵網

貴新式見此故釵無喜色欲權子母計銷銖隨手納釵  
直嗚呼寒閨一釵視如寶一旦棄之殊草草但得子孫清白  
守家風何惜一釵不能保

朱

蕙字紉齋  
烏程人

湖州詩錄三編烏程閩秀朱紉齋孝女也嘗侍母疾三年衣不解帶其哭母詩皆至性之言不獨能細吟詠也

哭母

嘗徧參著苦不辭幾回瀝血叩靈祇三年未遂劬勞報慟絕  
膏肓不可治

色笑還堪想像無妝臺寂寂網蜘蛛藥鑪猶在人何處月落  
黃昏噫夜烏

趙

葵

字儀姑一字子逸號次鴻晚號善約老人上海人  
戶部侍郎秉冲女批驗所大使烏程汪延澤室著

聽月軒  
詩文集

兩浙輶軒續錄

卷五十三

朱蘅 趙棻

五

又山川

縣志蔡生而有文在其手曰文性耽文史長于議論幼即能詩詞長乃爲古文及駢體女紅之暇常手一編尤喜讀通鑑論史事多特識創議出人意表曾評注溫氏母訓每舉以教人其課子曰植以求根抵近者舊相勸又通醫籍藥性傳方施藥療人多效

車中雜感

亂石崎嶇路百盤五更風雨客衣單  
追思小閣薰香坐猶掩紅窗護曉寒

極目京華一望迷無情芳草自萋萋  
鷓鴣不管離懷苦偏向行人耳畔啼

春日感懷

春來每多病負卻韶光半桃李花欲殘  
芭蕉葉初展連朝苦風雨漂泊定  
偃蹇小樓添暮寒深院生積蘚  
偶觸故園思登高窮睇眄迷離煙樹深  
迢遞關山遠何處是長安白雲望中

斷感此傷別愁愁至那能遣

先司農公藏書最多散佚殆盡近見楨兒購覓苦無善

本感而賦此

槎觸前塵淚點濃頓衰門祚廿年中從教萬軸償逋負轉免  
連楹飽鼠蟲手澤關心徒慘惻風花過眼任西東外翁今日  
如無恙應學香山付玉童

珊媛曲 有序

珊媛姓石甯波妓也嫁營卒崔某道光庚子六月崔  
從征海上歿于陣珊媛聞之赴甬江死年僅十七

培塿挺松柏糞壤生靈芝託根誠汗下亦抱冰雪姿苟能自  
拔俗造物非有私嗟嗟石女爾獨奇成仁取義甘如飴我哀  
石女志爲作石女詞女家明州隸樂籍名曰珊媛其姓石生

成薄命絮隨風小年早苦遭狼藉傷心父母謂他人浪蕊淨  
花更誰惜荏苒芳華十七齡柳眉蓮臉擅娉婷舞衫歌扇心  
先厭角彩尋歡淚欲零拋卻煙花遇佳耦紅綃眞作千牛婦  
願若夔蛟各自憐願爲鸚鵡常相守無端海上陣雲霾旁午  
軍書火急催六月從軍郎觸暑三秋望遠妾銜灰聞狽虜  
氛尤惡燉火橫衝船竟覆賢愚一例飼鯨鯢盡化沙蟲與猿  
鶴惡耗傳來碎妾心從茲精衛是冤禽原知毅魄難終覓甘  
向澄江抱石沈豈是徇名驚世俗要凭一死湔前辱志節應  
堪媿綠珠功名未許追紅玉埋香杯土甬江濱過客停車薦  
白蘋好待他年褒節義輶軒定有采風人

讀樂天花前歎亦作一首但借其韻不擬其意也

樂天昔賦花前歎與我同年五十五公云禍福非天爲我信

彭殤皆自取芝蘭由來愛空谷松柏不聞憂瘠土凌霜傲雪  
須定力墮潤飄茵果誰主可憐薄植門穠華如瘖學歌跛學  
舞榮枯造化本無權莫爲花枝怨風雨

題月冷峯青圖

有序

從子維嘉以府經歷分發廣西道出漢陽病卒妾李  
二姐京師人也吞金以殉年僅十九族子光弼歸其  
櫬唐宗祠側爲作此圖

亂峯銜冷月淒絕暮汀前屬纊江南客收帆漢北船盛年傷  
玉折壹志勝金堅想見從容際丹青莫可傳

吾祖殉王事傳家有素風餘慶三世後大節一門巾幗能  
知義泉臺可慰忠四川有慰忠祠祀金川先塋歸骨晚今幸  
殉節諸公先祖與焉

九京同

楊清材

字琴珊號桐韻歸安人廩貢知新女山東鄒平知縣羅田潘煥龍室著碧筠樓吟稿

和陶覺鄉先生蘆花四律用漁洋秋柳韻

寂寞空江斷客魂  
寒流汨汨綠環門  
花開似雪明無際  
枝不勝風折有痕  
一片水雲堪濯魄  
數家煙火自成村  
白蘋紅蓼參差吐  
付與詩人細品論

板橋昨夜隕清霜  
積素光凝十里塘  
兩岸扶疏迷水國  
幾叢搖曳拂漁箱  
羞爭時世妝中豔  
合拜蕭閒郡裏王  
秋色清華無限好  
漫誇春媚錦爲坊

漸覺寒深欲授衣  
隱居澤畔未全非  
茫茫短櫂漁舟聚  
落落荒江酒旆稀  
塞雁慣從深處宿  
沙鷗多向晚來飛  
娉婷瘦骨終超俗  
半世煙波願不違

葉葉梢梢嫵可憐  
秋江一碧淨無煙  
寒蜂采掇驚梨雪  
冷蝶

翻翻認柳絲直共黃花爭晚節已過白露逼殘年月明最愛  
宵如畫笛韻悠揚淺水邊

吳

氏

歸安人江南通道監察御史  
鳴虞女長興魏組綬室

西射邨留別

欲別不忍別臨歧難久留依依辭老父脈脈挂離愁暮雨雙  
溪道春帆一葉舟平安差可慰應寄古綬州

寄妹

細雨輕寒溼海棠東風檻外颭垂楊遙知此日春閨伴深護  
簾櫳怯晚妝

朱馨潤

字蘭馥長興人諸生臧志  
鼎室著桂馨軒詩稿一卷

縣志馨潤性純孝幼通文  
辭工韻語年二十六卒

桃花塢



青青桃花塢香氣襲瑤艸何處落紅深盡日飛黃鳥  
不聞人語聲但聞春鳥鳴春鳥嘯不歇桃花照眼明

陸荷清

字孟貞平湖人武康舉人徐  
熊飛繼室著唐韻樓詩鈔

春草

南浦芊絲翠色新江淹賦別憶傷神青連驛路曾停馬香滿  
池塘不見人青冢消沈千古恨紅橋煙雨六朝春采蘭又值  
湔裙節一碧東風處處勻

詠明史三案小樂府

槌擊

持槌爭門日分桐卜洛年羣臣休浪語天子證風顛

紅丸

欲得回生日仙丹別有方君王憑玉几不遣侍臣嘗

移宮

無復垂簾意，倉皇走鈿車。從今宮寢靜，滿地放茄花。

秋夕

薄點新霜雁渡河，一庭秋月浸涼波。不知何與蟲聲事，聽到

殘宵分外多。

吳玉華

安吉人。五風女。嘉慶戊午舉人。孝豐施應心繼室。著翼福樓詩鈔。

汪鴻樓東詩意圖識後乙亥夏初與辛蘿舍人同客桑連理館。相得甚歡。讀玉華夫人翼福樓詩鈔中有秋夜寄懷辛蘿秦中一律。工於寫境。情景雙情。辛蘿乞子畫之。著有停紅夜話若干卷。

秋夜寄懷辛蘿秦中

綠卷庭蕉起嫩涼，樓東金粟靜生香。月明不隔人千里，露白何從水一方。予美祇今思遠道，長安自古怨他鄉。灞陵疏柳同搖落，好爲歸鞍拂曉霜。

王蘊容

字柔如山陰人德清徐  
鼎和室著亦政軒詩稿

夜坐

綠窗寂靜啟細編小別銀燈掩鏡奩最愛橫斜好花影夜深  
籠月上疏簾

茗調蘭露玉花明香裊金猊夜氣清栽得蕭疏一叢竹風敲

幽韻作秋聲

沈雲裳

字織卿山陰人河南衛輝通判龍文女舉人  
孝廉方正杜煦室著綠窗吟稿壺天課子草

詠秋海棠次外韻

花嬌第一不禁秋半角牆陰態最柔明月何心還照睡西風  
多事只催愁窺妝未許燒銀燭彈淚多應徧玉樓更誦綠肥  
紅瘦句斷腸人肯捲簾不

綺榭瑤臺謝好春秋煙秋雨寄閒身不須桃李爭顏色肯鬪

薔薇買笑顰八月韶光金屋老一天涼意玉階新縱然不識  
司香尉丹桂黃花許結鄰

梅山紅蓮歌

越州六月荷風吹遊人畫舫香中移碧水青山仙尉宅紅蕖  
綠芰放翁詩波光潑灩清溪裏鴛鴦照眼眠復起江妃初解  
石榴裙湘娥橫潑胭脂水明妝麗影迎人顫嫣然一笑時相  
見何處含愁明月時幾番薄醉春風面荷香山色任徘徊蓮  
唱聲清碧荇開六幅羅裙雙蕩槩滿船風月采蓮來

三山白蓮歌

素綃仙子凌波來波光遙映白玉腮衣香過處風細細千溪  
萬溪蓮花開花開正傍放翁宅恰望三山山不隔葉光如借  
山峯青花色還分山月白峯青月白水一方鉛華淨洗見新

妝豈有胭脂汗。虢國好將湯餅試。何郎玉簪斜墮芳魂靜。明  
璫恨遠誰人省。六時掩映水雲天。兩岸迷離鷗鷺影。采蓮船  
小。傍斜曛更喜蓮歌山下。聞人面花光兩不辨。只分綠鬢與  
紅裙。

擬東坡瓶笙次原韻

鈞天樂奏何泠泠。似聞子晉緱山笙。翩然來下秋月明。避煙  
鶴唳時一聲。世閒箏笛愁難廢。誰其和者董雙成。仙人瓶隱  
任醉醒。不須猜作松風鳴。

讀劉蕺山先生集敬擬四箴

天生蒸民渴飲飢食伊酒胡爲成禮。觀德旣曰孔皆又言溫  
克爾色油油其儀抑抑三爵告退百壺亦式嗟彼荒湛罔知  
脩飭枕麴藉糟縱狂作。慝商戒酣歌風同巫覡禹惜寸陰人

疏儀狄瓠布戒糜彝舟警溺名以聖賢毋忘翼翼箴

飢餐虎奪渴飲鳩斟踰閑蕩檢乃獸乃禽豈待踰蕩始忘厥

心畏途衽席性斧禡衾曰蠱易惑曰戎易深愛河拯溺苦海

援沈粉黛黃土轉瞬駒陰禮嚴有別詩美不淫曰誠曰慎亦

保亦臨無瑕守玉足色鍊金防微杜漸何有邪侵箴

禮尙往來道嚴取予呼蹴誰堪嗟來必拒胡彼悠悠惟利是

所握算持籌賈儕僧侶志士守貧安吾故處憲衣不完曾火

不舉齋粥長甘緼袍奚沮毋輕一介於義甚鉅毋重萬鍾於

我何與昏夜四知天地予汝寶在不貪請事斯語箴

坤順而陰乾健而陽人配天地氣有弛張蹶趨動暴爲矜爲

狂怒目有蛙奮臂有螳拔劍擊柱指髮裂睚月流彗影日貫

虹芒悲哉任俠終自貽殃君子懲忿世界清涼蠖屈能伸舌

柔能剛全授全歸孝道以彰直養無害克己爲良氣

春晚遣興

碧窗人靜夕陽沈風颺鑪煙淡不禁鴉噪綠陰三徑暗魚吹  
紅雨一池深愁多轉恨春無語興到聊持酒自斟女伴未來  
羅袖冷幾回花下寄閒吟

胡石蘭

山陰人  
駱某室

度庾嶺見梅書感

五嶺十三人艱危仗此身經冬淚洗面逾嶺獨傷神江北無  
茅屋燕南有老親如何千樹雪不似去年春

王倩

字雅三號梅卿山陰人吳縣諸  
生陳基繼室著寄梅館詩鈔

正始集陳基字竹士梅卿與纖纖先後爲  
竹士婦儻同時角技正不知誰爲勝負

陶潛宣曰浙江有兩王倩一爲錢塘人知事葉怨  
室一卽梅卿爲永定兵備道王謀文女工文善畫

論詩四首

錄二

春山如笑秋山疑  
鑿宇宙皆詩本  
乎天真靈機妙悟無陳非  
新不物於物斯能感人

句一落紙已滯於形存乎詩  
先靈臺熒熒鞭撻山岳奔走風  
霆素養克裕奇功斯成

湖樓題壁

臨湖小閣望迢迢  
一瓣香因禮佛燒  
稽首慈雲休作雨  
阿儂生日是花朝

題倚香小影

朦朧淡月白雲攢  
春在南枝耐細看  
詩思一天清到骨  
滿身香雪不知寒

徐楚雲

山陰人著東  
耳山房詩集



柳絮集楚雲爲王僕人  
女史侍女年十七夭

呵凍

一夜筆如戟霜鋒割墨痕石棱生字骨梅意入詩魂  
焰綠燈無色鑪紅火不溫祇饒春在腹任爾畫乾坤

潘素心

字虛白會稽人江西廣昌知縣汝州長女詹事府少詹事錢塘汪潤室著不櫛吟稿

陶藩宣曰虛白夫人與妹亞白並擅詩名嘗從宮詹宦游閩嶼舟輿往來五萬里所經城郭江山風俗皆見之於詩父任廣昌時使筦會計雖牙籌縱橫不廢吟咏嘗有句云樓管牙籌隨仕宦監輿畫舫度關津宮簪下世後僑寓都門親課諸子道光乙酉三子同捷京兆其明年仲成進士入詞林辛卯秋五子又舉孝廉鵠起聯翩熊丸濟美不僅爲科名佳話也有女曰汪惜字琴德汪前字瑟友並能詩薰習慈訓一門風雅爲兩浙所少有夫人享年八十餘

自泰安至郟城道中作示兒輩

渡河人已過郟城暮叩重關守吏驚茅舍近時人影聚鞭梢

拂處馬蹏輕一溪黃葉詩中畫十里紅花客店名爲語汝曹  
須省識人心可似道途平

浮青閣眺遠

凝望浮空翠色連層樓端合住神仙三山繞郭炊煙直雙塔  
凌霄落照圓戀

闕臣心常向

日望雲閣夢遠于天雁行吹斷南飛影幾度登臨倍黯然

陳

桔字杵仙會稽人  
著望江樓詩草

彈碁有作

曲曲窗櫺護碧紗名香微熱篆紋斜一枰覆得宵來局閒卻  
庭前幾樹花

陳夢蘭

字曉香上虞人諱  
生嘉女著繡餘稿

兩浙軒軒續錄

卷五十三

陳桔陳夢蘭題

三

×××

上虞詩集女史天姿穎異幼聞父吟詠背誦不遺一字遂教之讀過目成誦年十九歲未字而卒

送家大人往山東

初春種柳暮春長今日離筵漫折將  
旨酒滿斟螺鈿枕征衣齊疊  
豹皮箱寒江日落舟行晚驛路  
花飛馬首香此去只期  
週歲返碧桃依舊發東牆

顧映玉

字初佩上虞人海甯籍霏女何玉蓮室著澄碧軒詩鈔

暮春臨平道中

篷窗閒倚寄幽情  
緩櫂辭家不計程  
多謝燕鶯齊送我  
落花風裏過臨平

周幽貞

別號柏堂侍史 嶧人 諸生錢溥繼室

緝雅堂詩話侍史父名燮臣宦中州歷署汝裕州倅侍史任內記室有詩名嘗隨任西華尉廨內署有古柏一本題曰柏堂因以自號及歸錢賓客多以催妝詩索和並置不答曰嗣今當誦敬姜語作儒門婦不復觀風雅

奕子璵善有穀詒堂詩存孫仁壽等公簿  
真詩以聚珍版印行之多在室時筆云

### 古柏堂

家君此游宦古柏蔭深堂色映琴書綠風來枕簟香吟慚謝  
庭絮愛比召南棠擬摘青蔥葉年年上壽觴

### 寄弟

歲歲思歸尙遠遊才通春信又經秋登樓到處悲王粲負米  
何時見仲由近接增鄉愁宋遠每瞻親舍但雲浮尺書寄汝  
無他語二老于今雪滿頭

潘佩芳

錢塘人江西道監察御史庭筠  
女梅鹽朱某室善畫蘭室詩稿

許仁杰曰孺人少工詩沈文愨公所選唐詩別裁悉能  
背誦喜藏書貲不足極典叙償之善畫蘭因署其齋曰  
畫蘭室遂  
以名稿

### 首夏卽景

廉纖梅雨潤如酥  
新綠陰濃勝畫圖  
呼婢捲簾侵曉起  
放他飛燕哺新雛

王蘭佩

字德卿號楚芳錢塘人戶部尚書文莊公際華女

抗郡詩續輯德卿幼隨父宦遊楚中又自楚入京從母遊陳氏外家肩隨中表女弟兄誠管少暇吟箋角韻不學而能天性然也歸里後恆侍外大母汪太夫人方芳佩遊親炙裙裾詩法淵源窺其涯涘歸承福逾年而段年才二十二嘗自定其詩集自甲子至庚午曰茂萱閣皆奉母時作自辛未至癸酉曰靜好樓則于歸後作也

思親感賦

生男勿云喜  
生女誠可悲  
游子志四方  
嫁女離庭幃  
時懷堂上親  
焉得相追隨  
我生非不辰  
所誤因蛾眉  
二十詠桃夭  
百兩催于歸  
可憐數載來  
終日心神馳  
阿父依幕府  
遠在湘水湄  
阿母居陋巷  
操作心力疲  
井臼任煩勞  
兒女縈遐思  
纏繇手中綫  
寂寞門上楣  
里門雖咫尺  
笑終睽違望  
雲言思親

思親常告誰眉痕背人鎖暗淚深宵垂日月何迅速骨肉長  
分離采蘭陟南陔蘭蕊何芳菲爲誦補笙詩字字傷肝脾

哭花和韻

園林一夜風如翦臙脂亂落香紅頓爲探芳菲侵曉來泣然  
宿露霑苔蘚別有憐香帳轉心何堪對此更沈吟殘紅昨夜  
三更雨新綠明朝一徑陰生憎少女偏輕薄吹花飛舞欺花  
弱杯酒聊爲餞別尊相期頻說來年約年來自覺腰支細眼  
看春歸不能繫從此閒庭更寂寥青草色門常閉兀坐吟  
思恨未消無端清淚溼冰綃香魂零亂隨風去宋玉詞哀不  
可招護持深媿儂無力空記芳春皆手植淚灑花枝淚亦紅  
淚紅花更無顏色花易飄零淚易乾空餘癡立凭闌干願將  
萬點相思淚換取名花壽萬千

獨夜吟

風透湘簾寒寂寞，剪刀聲裏燈花落。  
理綫偏憎綵縷長，縫裳每厭吳綾薄。  
玉女霜砧夜夜鳴，鄰姬鴛杼時時作。  
煮茶小婢語聲低，月色今宵又勝昨。

侍慈親夜話

疎鐙小閣影離離，刀尺聲殘夜靜時。  
情到無聊成幻想，事多失意怕回思。  
偶談瑣事愁如積，同聽寒更睡較遲。  
世味漸諧年漸長，膝前敢復倚嬌癡。

偶吟

小窗人語一鐙紅，香護珠屏怯晚風。  
低屬玉闌干外月，好扶花影上簾櫳。

張

標

字蕊仙，江蘇華亭人。湖北廣濟知縣錢塘蒞炯室，著《凝香閣小草》。

吳振誠曰蕊仙獨于吟詠博通書數後皓將村宮等三  
楚十有餘年己丑之春與子婦沈歸浙未而月而卒

### 清明日思親

佳節清明插柳齊風風雨雨畫樓西  
三千里外親塋遠十二年來鄉夢迷  
是處灰飛胡蝶舞幾行淚灑杜鵑啼  
何時拜掃松楸下馬鬣親封一寸泥

汪菊孫

字靜芳錢塘人仁和諸生金文炳室著停琴俟月軒詩鈔

許淮祥曰魚亭比部積學能文數世相繼富於著述閨秀汪端亦研究史學兼及聲韻是爲菊孫之從姑菊孫自幼請業焉故其詩亦取法青邱卒後魏滋伯廣文評選其稿付梨

### 題家劔秋 除夕祭硯圖

又下襄陽拜鑪香爨篆煙有人當守歲  
酌酒祝豐年春意迴金谷閒情護石田  
閨房同笑語佳句記巴箋

### 題河東君妝鏡

有序



周南卿明經藏唐鏡一枚背有銘云照日菱花出臨  
池滿月生官看中帽整妾映點妝成證以初白庵金  
陵離詠知爲河東君物也今歸又村仲弟以拓本裝  
冊索題卽次初白韻應之

紅粉偏能國士知可憐末路事參差流傳一片開元月曾照

香奩夜選詩

列朝詩集閩秀詩多河東參定

孫雲鳳

字碧梧錢塘人四川按察使嘉樂女諸生程某室著玉簫樓集湘筠館集

陶潛宣曰雲鳳生有夙慧年入歲父出對云關關雎鳴  
卽應聲曰噫鳴雁大奇之雲鳳有妹曰雲鶴字蘭友  
亦能詩兼長駢體文與姊齊名其寶劍篇云恩響千古  
事湖海一生成心送伯兄東歸云歸棹隨流水鄉心帶夕

陽皆秀

許莊祥曰碧梧女史工詩善倚聲似北  
朱人語兼能繪事點染花卉饒有生趣

山行

曉從春山行殘月掛高樹鐘聲出煙林人語隔溪霧幽壑多  
奇花絕壁飛瀑布今來秋已深木葉雜風雨雞嘯似有村雲  
深不辨路風景迥不同陰晴亦有數去去路正遙悠悠歲云  
暮

題萬近蓬先生拈花小照

先生抱高懷丹青繪幽事日坐梅花中寒香繞吟思現此神  
仙身傳彼如來意持與門人題屢月無一字靜坐嘿思之乃  
爲題所累得魚筌可忘到岸筏應棄詩理與禪機其原本無  
二此語是耶非微笑以花示

晚溪

日落煙霏霏渡頭行客少山月出林遲幽禽歸樹早水面清  
風來微波動荇藻余欲弄扁舟悠然學垂釣

巫峽道中

秋江木葉下客子獨徘徊瘴起濃雲合灘鳴驟雨來淒涼庾  
信賦寂寞楚王臺俯仰乾坤裏悲歌亦壯哉

征程

春來江上雁知還我尙驅車道路閒芳草極天迷客思白雲  
何處是鄉關地卑城郭多臨水縣小人家半住山聞說西行  
多石徑喜無塵土撲征顏

古意

庭空月皎蝙蝠飛當戶女兒愁鳴機投梭太息起拜月霜色  
在樹風生衣千里盈盈不得語卷簾仰望星河稀

聽泉

聽泉松林閒尋源清溪裏山光生薄寒暝色上秋水孤月帶

霧升漁歌隔煙起獨立望閒雲悠悠何所止

山行

客思西風裏車塵暮靄閒蟲聲黃葉路人影夕陽山鳥去一  
何速我行猶未還臨溪羨漁者幽意獨閒閒

春寒

獨坐焚香掩畫窗天涯芳草又纖纖柳絲風釀桃花雪如此  
春寒怕卷簾

孫雲鶴

字蘭友錢塘人  
雲鳳妹金璋室

杭郡詩續輯蘭友工填詞兼  
長駢體文與姊碧梧齊名

旅樓

旅樓高不極過客足徘徊暮色隨煙起春寒逼雨來壯心尊  
酒在鄉思嶺猿哀目斷巴陵路衡陽雁獨回

壬寅九日重慶關送伯兄東歸

登高兼送遠客淚一沾裳歸櫂隨流水鄉心帶夕陽秋高山  
落木風急雁分行叢菊何情緒籬邊依舊黃

孫雲鵬

字炯卿錢塘人雲鶴妹  
范某室著停琴館吟草

揚振錡曰炯卿女士藻思綺韻吐屬閒遠無鉛脂習善  
草書縱逸秀勁得魏晉人遺則嘗作停琴佇月圖徵詠  
徧諸名宿雅人高致亦閩間佳話也

自題停琴佇月圖

石牀涼味釀初秋沈煎煙輕散素愁促織無聲梧葉碧乘風  
不羨廣寒遊

春暮宿雨初霽泛櫂西谿薄游交蘆庵

鶻聲驚鷗起衝破輓煙綠密樹低向人中藏谿一曲茆屋溼  
炊痕歸雲互斷續殘粉墜離花澄波漾綺縟信櫂逐春去疏

鐘忽林麓勝境造蘆庵臨風跂遐躅詩味印禪悅龕火鄰金粟欲擷澗底蘋清芬佐寒醪門外杜宇嗁無情相敦促

王玉如

字清閣雲南人錢塘孫嘉業妾

許淮祥曰玉如工詩又善畫

春陰

東皇愛惜牡丹深費盡量晴較雨心雨恐太寒晴太暖爲花

連日作春陰

夜坐

爐煙細裊碧窗紗人靜天空北斗斜滿院蟲聲一簾月夜深  
風露落桐花

陳孺人

字蕖妯錢塘人江蘇按察司經歷李慈壽室

仇炳台傳孺人幼具夙慧兼母氏魏教工吟詠繪事兼通易理能屬文歸同邑李蝶喻慈壽其詩詞意清超

深得風  
人之旨

題墨梅

空林雪霽夜生光  
寒月娟娟鬥晚妝  
偶向羅浮成小謫  
水華爲珮墨爲裳

偶成

五月新蟬嘒嘒鳴  
西風容易又秋生  
炎涼況味都知了  
高柳聲中抱不平

高鳳閣

字佩文仁和人崇文長女著一琴一鶴軒詩草

遊仙詩

曲奏鈞天夜未央  
眾仙列坐九琳房  
靈香久住不歸去  
閒煞階前白鳳凰

芙蓉爲閣錦爲屏  
珠戶丹房靜不扃  
閨苑無風春晝永  
萬花

深處誦黃庭

閒其尊盧住海霞鍊成百草勝黃芽採芝仙子攜筐過笑踏

雲頭數落花

高鳳樓

字五雲仁和人崇文次女翰林院侍讀

女士黃履序略淑人人生長名楣淵懿性成世事無所嗜

獨嗜書好爲詩不求人知惟與姊友蘭從子婦晚香相

唱和疏淪性靈純真無飾或以圖幀素

詩概勿應日詩以寫意非以沽名也

兄弟學沆跋略姑詩不事刻厲一以溫厚爲宗

而出之以清麗晚歲自號澹宜老人蓋言志也

早炊每趁嚮明時爲恐詞臣入直遲瑣事紛紛閒不得一簾

新雨又催

詩時夫子入直修書

留別皖江使署

皇恩已許三年住慈壽欣逢八秩餘好趁秋風歸放櫂稚圭



原有北山廬

文種

已展平吳霸越才英雄回首事堪哀當時若共鷗夷去也合  
黃金鑄象來

病起

讀史稍知千古事看花消得幾分愁平生萬事慚疏懶略識  
之無已白頭

琳兒捷禮闈籤分刑部書此勉之

一官初博佐秋卿觀政三年望有成莫道淵魚容易察須知  
縲紲亦蒼生

新來丁姬能背誦阿房宮賦令詠瓶花立成作此贈之  
自矜獨立見丰姿金屋能消願太癡想是康成家法好泥中

老婢也通詩

丁廡詩云亭亭獨立筆難描絕世丰神絕世嬌我欲移他金屋住此身可有福能消

湯湘芷

字佩芬仁和人優貢鄒志路室著桐蔭書屋詩鈔靜好樓倡和詩企翁詞

秋夜聽姑母彈琴

銀雲淡淡銀河明月光  
入戶如水清珠簾十二垂  
瓏玲出入簾罅煙痕青  
抱琴小鬟來娉婷  
鼓琴者坐當前楹  
金徽玉軫瑤華釘  
落指拂拂微有聲  
一絃初按聲一停  
七絃齊作同一鳴  
忽然大聲驅雷霆  
忽然細響吟螭蜎  
忽翻商調喧鼓鉦  
忽奏羽律吹竽笙  
忽如獨鶴盤蒼冥  
忽如旅雁爭沙汀  
抑揚高下與重輕  
遲速緩急歸和平  
環而聽者耳盡傾  
忽然斂手告樂成  
餘音絃外猶泠泠  
滿堂寂靜無喧爭  
此非俗響遂與箏足寫風雅陶性情  
惜我不學手爪生成連  
海上舟空橫聽彈此曲神則甯  
敢書長句當載廣書罷  
出視光熒熒天上惟餘

太白星

迎月

月出不知處，漸移花入簾。  
清光澄皓宇，選坐到深檐。  
如水淡可掬，著衣寒不嫌。  
迎涼原有地，竹罽影纖纖。

題花灘漁隱圖

花圍淺水水圍灘，一隻漁舟兩釣竿。  
此是鹿門偕隱意，旁人悞作畫圖看。

陳

杉仁和人候選同知，  
沁女歸安戴禮室著雲硯樓小草。

立春

青帝始司晨，欣看歲序新。  
雪消殘臘凍，梅占隔年春。  
暖氣回陽谷，和風拂渚蘋。  
從無才詠絮，未敢負良辰。

秋興

四時皆可樂秋爽更脩然翠縷彫牆柳紅衣謝渚蓮小窗邀  
月伴半榻枕書眠素性無他好心閒卽是仙

查昌鵠

字鳳佐自號玉閣外  
史海甯陳咸備室

許莊祥曰玉閣外史爲半圭茂才敬璋之母早稱未亡  
支柱寒餓凡數十年無錫秦少司寇濂嘗爲立家傳

寄曹氏小姑

昨得橫山信方知妹病真欲思傳尺素蠶月少閒人無奈蹉  
跎久全憑藥餌靈勸君還靜攝稍健好歸甯

戴

字耘芝海甯人  
著助吟堂存稿

至湘潭喜晤衣仙妹有詩見贈和韻

蘭閨聚散感同心湘水扁舟一葉尋涼月鐙窗今夕話春風  
芸閣舊時吟弟兄才敏予還拙姊妹情真爾獨深從此離愁  
消卻盡不煩征雁寄芳音

陳慧殊

字湘簪海甯人江西南安同知億女四  
川遂甯舉人張問安室著香遠齋詩藁

秋雨篇

瑤房玉殿秋風起美人妝鏡澹秋水明月爲璫雪作膚朱唇  
皓齒紅羅襦飄颻風雨溼金井羅屏繡幕愁相并迴身卻立  
揮朱絃可憐纖指流聲寒欲彈未彈意轉索碧雲墮地梧桐  
落

冬初

吳絲初熨帖彈指已秋殘人月平分瘦江天一色寒窗虛風  
力峭樹老葉聲乾棖觸西堂裏濡毫興未闌

沈

號采石女史嘉興人福建興泉  
永道沈濤姊著畫理齋詩藁

郡齋坐月和韻

梧竹清陰處涼生一味秋前身天上月不識世閒愁對影尋

詩興雙聲寫韻幽何時共酬唱著我屋西頭

送西雍弟就婚吳興郡閣

東皇愛韶華陽和回春先送君往苕溪百里隔雲煙天風下  
環珮閭苑會羣仙長春合一日嘉耦諧百年鳧雁宜佳味琴  
瑟調清絃側聞謝家才柳絮詠風前又聞衛家書簪花極精  
妍臨池並揮翰分韻兩擘箋梅花窗外放皓月正團圓會當  
添綫後鴛水望歸船

戴小瓊

號蘭亭別號墨華道人嘉興人沈滄室

秋宵坐月

把盞邀明月吟商怯素秋蟲聲如絮語露氣足清愁煮茗松  
風靜支頤石磴幽涼柯貪徙倚一葉打人頭

朱

鈺

字研溪又號餐花仙史嘉興人翰林院編修絳桂女嘉善陳生訓雍泰室

西華車絕金 卷三三  
嬰馮館雜擬女史幼承家學博通經史所著詩古文詞能踔揚藝苑傾倒羣英在閭閻中不可多得

紀宋胡忠簡公事

昔聞忠簡公力阻和戎策重違奸相謀編管昭州籍計可愚  
康王一德天難格江左雖偏安兩宮歿沙磧武穆含冤終孤  
臣空負載公獨草諫書凜凜昭史冊湖上韓蘄王放廢同一  
轍迨乎孝宗朝饒州初賜職板蕩識忠臣歲寒知松柏力陳  
恢復機壯志猶勃勃拂袖歸南山勳名垂竹帛爰作一篇詩  
聊當擊賊笏

沙溪七兄以詩稿屬題率成一律

夜話西堂燭影幢扁舟又泛木蘭雙十年嘗作評南史一段  
吟情寄北窗已見花開歌陌上可堪楓落憶吳江遙知別後  
池塘夢無限離懷對少缸

沈

鏗

字鏗珍嘉興人翼鵬女平湖舉人張淑任室管能開草堂

家傳畧孝兼事親孝夫人初至卽脫簪珥以助甘旨博堂上歡其在室嘗刲臂療母疾孝行純篤天性然也自幼明大義兄弟姊妹間有疑事皆賴以決其訓子有云吾祖宗以浩氣爲人吾兒讀書入仕正誼不謀利吾之願也又嘗言仁爲人心須臾不可離言重詞復皆合經旨

胡鳳丹曰繼珍蓋笠溪先生之配海門鹿仙兩太史之母也

秋夜有感

六曲闌干獨自凭  
空庭夜氣總清澂  
風聲在樹初飛葉  
月色臨窗未翦鐙  
物有盛衰人不悟  
心無振觸我安能  
悲秋那更思親劇  
并入酸吟百感增

詠螢

來往池塘畔  
青熒照客遊  
簾疏光不定  
鐙暗影初浮  
隔院深  
深見因風的  
的  
流行人歸  
未得應識  
畫屏愁



唐

敏

字夢蘭嘉興人平湖諸生邵洙室簪竹影軒詩

石瀨山房詩話夢蘭五古冲淡似陶韋七古豪放似杜韓兼有初唐風調近體在元宋之間河間中作家也騷主中饋米鹽凌雜開猶吟哦不輟

題湘英谿山茅舍圖

一峯高一峯低一峯蒼翠化作煙雲飛煙光雲氣濃不辨但聞幾處松風竹雨颯颯鳴翠微青山到眼看不足蒼苔白石澌飛瀑幽人結屋山之麓日日看山山滿屋若非王官谷或是鹿門山靜無剝啄到柴關惟有白雲相往還山中白雲能招隱我將採芝種秫游其間

弄珠樓

畫樓一憑眺不見弄珠仙遠岫含晴翠橫塘散暮煙人移花裏舫鳥度鏡中天何處涼風起清歌唱采蓮

梁莊懷古

羣山銜落日野色正蒼然  
草綠城邊壘人耕墓上田  
空營遺斷鏃荒墅聚寒煙  
防海聞笳鼓驚心戰鬪年

廖織雲女史墨蘭

仙霞閣裏翦吳綃  
谷口幽芳託素毫  
忽憶湘潭明月夜  
一樽清酒讀離騷

李

晚號梅卿嘉興人諸生能容女進士馮登府室

遠香詩話梅卿夫人早嫻翰墨倡隨靜好馮先生家貧簪衣典釵以佐讀書錦瑟華年惜未及見其登第也吳江郭應摘其句入詩話

寄外

風雪逼殘年  
梅花開又落  
天涯人未歸  
短夢驚寒柝

楊謙珍

字吉齋秀水人周坤交著繡餘學語

秋夜感懷

小閣深宵坐淒淒又暮秋  
銜寒蟲語切風緊雁聲迢對月腸  
空斷思親淚更流荆南吾弟在吟苦未應休

沈

氏

海鹽人諸生  
朱思諫室

家傳畧孺人幼稟母教耽吟咏善繪事日以綱鑑諸書  
手自披閱嘗講論古今治亂興亡之故悉井井有條

初夏雨霽步韻

隔簾山影不分明  
宿雨初收活翠生  
風引溪萍翻淺漲  
雲拖嫩草媚新晴  
幾番拋綫慵描蝶  
曾約攜柑往聽鶯  
花事已過蠶事迫  
桑陰濃處一鳩鳴

澹蕩風微睡起時  
落紅如雨罨蛛絲  
櫻桃庭院雙扉靜  
楊柳樓臺一笛吹  
明月不來聲悄悄  
歸雲猶在意遲遲  
頻年倚枕無消遣  
帶病閑吟阿母詩

徐容

字秋容海鹽人諸生筠如女朱熙室

新秋遣懷

梧影沈沈萬籟幽薄寒天氣釀新秋風和遠笛來虛枕雨帶流螢墮小樓多病未能勝酒琰愛涼時復捲簾鉤憑闌幾度凝眸望指點銀河認女牛

徐恆

字久和海鹽人孝廉方正李應占繼室著借樹樓草

黃湖館詩話久和素嫻姆教事舅以孝譙賓以謹相夫以善婦德母儀於焉卓卓性耽文史兼工小詩

題十柳山人海上觀潮圖

江東地到鹽官盡天外潮從日本來

邑侯王少拈出吾鄉仙海塘上句

令句先生高眼望蓬萊

雪後公來海上遊兒夫笑傲伴滄洲塘成今喜安瀾慶百尺

新添障海樓

兩浙輶軒續錄

卷五十三

徐容徐恆和徐人雅

墨

又三

徐人雅

字藕仙海鹽人純德女海甯諸生朱蘭如室著紡餘吟稿

能詩自號藕

縣志氏性至孝割股愈母疾讀書能詩自號藕

仙女史夫力學早世事翁姑以孝稱撫孤成立

陸齊壽序畧女史幼婉順姻吟咏長歸松庵松庵故名

下土工詩時或擘牋分韻互相酬答望之若神

既而松庵卽世時尊章猶在堂女史屏棄鉛華

茹哀操作惟以孝養撫孤爲事所作亦漸魁矣

北堂萱草慶長春著意栽培雨露新種得忘憂偏惹恨拓窗

無日不思親

春遊

柳占鴨頭綠桃烘人面紅  
竭來歌舞地想見太平風  
騎緩香塵繞舟移碧水融  
堪憎遊冶女嬉笑過芳叢

秋窗吟

閒來倦繡擲金鍼病起纖腰瘦  
不禁風撼庭柯驚夜半雨淋

簷鐸感秋深  
茶煙芋火添  
幽趣斷雁寒  
蟹動苦吟小  
婢摘來  
菊盈把鬢雲自笑不勝簪

施

芳

字蕙貞嘉善人諸生胡然室著綺綺吟

嚶鳴館雜綴女史一門風雅極倡隨樂事七言如東林禪院云竹裏關關鳴喚婦簾前款款燕將雛六月十九日同秋英過散花庵分韻云暫撥紅塵來法苑頓疑炎暑變秋陰無些子脂粉氣

春日同登霞綺閣次韻

久聞高閣絕塵埃  
此日登臨洵快哉  
萬里天隨平野盡  
一溪水帶斷雲來  
柳垂翠幄鶯聲老  
茶裊晴煙鶴夢回  
倚徧闌干吟未穩  
隔林無奈暮鐘催

王

桂

字秋英嘉善人著繡餘草

秋夜懷人

夜色涼如水  
空牀獨擁衾  
遙知孤館客  
正對一鐙吟  
寂寞桑

可折曾干賈錄

卷五十三

施芳玉桂陳芷朱蘭

吳

下中車車系金  
家視淒涼卓氏琴祇應天上月兼照兩人心

薄暮聞笛

雁落蒼煙暝蟬嘶碧樹秋何人擲長笛獨自倚高樓楊柳關  
中怨梅花塞外愁數聲吹未徹天淡月如鉤

陳

莛

字挹芳嘉善人  
諸生許鉅室

府志陳氏挹芳工於爲  
詩熟讀史鑑早寡守節

冬夜感懷

斗帳寒侵玉漏遲半窗淡月印花枝夢回添得如珠淚正是

殘燈欲滅時

朱

蘭

字晚芳平湖人沈晉儒  
室著先得月樓遺詩

鐘窗瑣話女史吾友沈君浪仙太夫人也結禱二載遺  
孤六月苦節教子卒光紳棋幼嗜吟咏賦真鶴後乃盡  
棄去所傳遺稿  
寥寥數章而已

秋感

天空孤雁叫霜寒  
家事關心強自寬  
買繡買書教子讀  
質衣糴米勸姑餐  
悠悠未醒人閒夢  
僕僕何能壁上觀  
生寓死歸參已破  
眼波淚雨怪無端

邱杏

字絳仙平湖人盛  
桐室著紅餘小課

七夕

娟娟風露夜將殘  
新月如鉤挂曲闌  
姊妹穿鍼樓上聚  
也同牛女別離難

陳珞生

字文瑯平湖人舉人  
士麟妹盛某室著繡餘吟

對鏡

一輪明月易生秋  
照偏名花影可留  
我欲將愁訴元穎  
那知中亦有人愁



沈

彩

字虹屏號掃花女史平湖人

石瀨山房詩話虹屏爲老友陸梅谷愛姬梅谷家多備  
藏凡圖書鉛槧紛置左右虹屏以一身掌之性明慧工  
詩善畫尤工小楷  
得管夫人筆妙

江南春

樓頭試長望柳色半含顰一水仍清泚六朝非故人花空隋  
苑樹歌歇後庭塵何當吹玉笛一寫江南春

蠶詞

東家少婦首飛蓬三起三眠一月中自笑不蠶還不織墨花  
視雨坐春風

柔桑挑盡響縲車四月垂楊作絮初我已厭歌金縷曲綠窗  
鈔得養蠶書

吳文卿

字墨齋石門人廩生森女  
同里鄭某室著墨齋吟稿

春仲浣香書屋卽景

隔林鶯燕漫相窺  
樹底金鈴箇箇垂  
花氣濃熏香霧重  
簾波微動夕陽遲  
抽毫愛仿黃庭帖  
選石閒敲玉局棋  
未到棟風消息緊  
儘人商畧冶春詞

王夢鶴

字仙駕  
桐鄉人

桐溪詩述仙駕與姊仙御並和鈍翁楊柳枝詞傳誦一時皇甫議亭贈以詩云瑯琊女子最能詩閨秀才名冠一時仙御飄飄仙駕遠春風依舊鞠塵絲

姑蘇楊柳枝詞和鈍翁

絲絲低冑石闌干  
擬向階前折取看  
臨舉玉纖猶障袖  
吹花風起覺天寒

鄭以和

字琴仙桐鄉人順天順義知縣熙  
女南河主簿沈潭生室著囊餘集

題孫蘊山貞女停琴佇月圖

松陰兼竹陰拂石且眠琴別鵠不成操歸鴻何處音懸知遙  
夜月定照美人心直待清輝徧白蓮花氣深

輓壯烈伯李忠毅公

烽火海雲紅將軍百戰功窮追按虎穴威望懾蛟宮角響三  
山月旗摧一霎風橫刀生氣在彷彿見英雄

戴

錦字綺江歸安人烏程諸生  
張金笙繼室著焚餘草

秋日晚眺

日落千峯迴天高雁字斜林深含宿雨塔杪抹殘霞映水雲  
爲綺經霜葉作花秋深山色好多付野人家

乙未初冬病中勉成送外之雲間

蕭條風景已堪愁不爲封侯更遠遊最是牽人魂夢處江寒  
風冷一孤舟

徐

穀

字農仙德清人江蘇升州知縣

縣志穀善吟詠遇  
逆境而處之晏然

春日過錢氏莊

莓苔石徑記依稀門外殘紅夾雨飛最是山家風味好菜花  
香老豆花肥

樂

氏

鎮海人諸生  
謝輔錦室

哭子

往時縫慣見衣服鍼綫今懸痛奈何不覺一場人事變廿年  
轉眼夢中過

何

采

字若霞山陰人  
著繡佛閣集

食蟹

蜀薑日裏搗乍停名酒新壓開雙瓶雕盤滿墨赭衣爛捧出

兩浙輶軒續錄

卷五十三

徐穀樂氏何采金毓琇

完

燭下光熒熒玉酥香凝雜琥珀背匡未揭先流馨二螯八跪  
次第擘爬剔肯使遺零星一盡數箇飽俊味屢浮大白神翻  
醒從來嗜此已成癖買得不辨紺與青江鄉況無鑿冰苦緯  
蕭半里橫寒汀年年秋至魚市鬧便須飽啖終我齡興來按  
句傲天柱底用按拍歌瓏玲因思吾家老措大食單去此存  
猶鯉天生左手總難負鯛陽之語爲堪聽閉關頌酒亦巾幗  
此態莫便嘲忘形文章橫行更休論誰有夢來郵亭只愁  
虻蜩易相誤欲檢殘燭箋遺經

散花樓卽事

對此幽居好疎疎景物殊蟻行穿樹腹蝶睡壓花鬚石漏雲  
長貯庭方月滿鋪還多書借讀心目足清娛

金毓琇

字玉貞  
山陰人

冬間

夜深不耐指尖寒刀尺閒停靜處看畢竟梅花少拘束冷香

隨月上闌干

孫漪蕙

字佩秋陽湖人山東督糧道星衍

女姪會稽蕭以霽室著詩微室草

蕙題紅袖添香夜讀書圖云半臂寒添人伴玉一簾香

韻譜雙蛾澹對玉屏山題陳公子揚盟寒窗憶課圖云

聽雨圖云欲寫長明庵外景更無人仿管夫人俱清雅

俗不

題泉南先生病禪圖

秋風扇骨耐輕寒日日清齋覺帶寬誰爲維摩留小影不妨

添寫破蒲團

黃面瞿曇新省識可知丰格本清癯卽今梅子枝頭熟還有

兩浙輶軒續錄

卷五十三

孫漪蕙 命靜貞 張淑蓮

辛

八〇三

餘酸澣齒無

俞靜貞

字仙霞上虞人敬女廣東連山綬  
齋同知何玉池室著綠窗吟鈔

病中遣懷

連背風雨不成眠人與黃花瘦可憐  
顧影祇堪鐙作伴傷心猶恐藥無緣  
靜聞鈴語來窗外怯聽濤聲到枕邊  
回憶春明遙寄迹金錢頻卜恨絲絲

張淑蓮

字品香上虞人候選知州鳳翥  
女夏藤圻室著澄暉閣詩草

上虞詩集女史幼穎悟八歲即受詩於其父適夏侍奉  
舅姑克循禮節後以子琳官河南知縣迎養至豫卒於  
獲嘉署中壽九十有六

己卯秋送琳兒分校汴關

聖代金門闢詞臣玉尺懸勉兒分校闕爲

國選才賢華實收須廣醇奇取莫偏應知寒士苦鐙火望三

年

寄夫子關中

蕭條羈旅久長安暖到天涯春又闌  
小隊弓刀新出塞早衙  
鼓角舊應官檄馳毛義因親喜書報  
秦嘉作掾難只有離情  
勞遠目緣痕遙接灞橋看

菽水慈姑奉有餘望雲可免念鄉閭  
桑麻雨後春勤織菘韭  
風前曉翦蔬褒谷儘增吟筆健康泉  
憑洗宦囊虛官閒苔碣  
應尋遍好續鐫華石墨書

謝香塘

平陽人金洛先  
室詩稿

吳承志詩稿  
三十而後  
蕙纓畧同詩詞  
於青揚體格蓋相近云  
青揚女兄適金洛先洛先好台游未  
爲嗣教之成立生平所遭與錢

示兒



我家本儒術頗流翰墨芳長兄年逾壯拔萃游

帝鄉次弟弱冠餘食餼於上庠三弟差後起近亦沾芹香而我獨不櫛頗復知詞章自從適汝父筆研成拋荒汝父喜揮霍家事慵屏當漸至謬臺築遂以腴產償僥倖內規勸補牢鑿亡羊詎謂丁厄運二豎居膏肓行年未三十下招來巫陽吁嗟我命薄綠鬢稱未亡爾時未有汝寂寂守空房我非惜一死所計在久長孀居十餘載涕淚常盈裳立嗣乃得汝稍寬衷腸并曰躬操作米鹽策周詳一日復一日漸漸充倉箱營繕有宮室世業重恢張嗟哉收桑榆辛苦已備嘗今汝年十二如日生東方延師課汝讀期汝早騰驤上作廊廟器下爲宗族光少壯不長在白日去堂堂我今明教汝及時須就將勿墜青雲志而詒白首傷如農事穠蓂乃得年豐穰如

冶加錘鍊乃使工精良汝果能努力余日引領望援毫申此  
語助哉慎勿忘

哭二弟小帽

蕭齋寂寂暗生塵碎墨零牋瞥眼新依舊綺疏銀燭短可憐  
不見檢書人

幽居恰稱綠莎廳短短疏籬小小亭惆悵詩人今不返池塘  
春草爲誰青

錦帳宵寒夜不眠函書獨對也潛然我今亦爲文章哭不獨  
傷心爲阿連

潘雲仙

上虞人安吉訓導連葆琛母著倚紅樓詩詞草

卷簾

曉起上簾鉤飛飛雙燕子靜待主人來不忍便飛起

抱琴

秋中月色佳高閣晚登眺何以遣幽懷素琴彈古調

埽壁

開徧拒霜花陽春天色好新吟要補題石壁苔先埽

檢書

夜半雪壓廬翦燭伴君讀願讀有用書他年期報國

兩浙軒軒續錄卷五十三